



通鑑釋例



用天子例

周秦漢晉隋唐皆嘗混一九州傳祚于後子孫雖微弱播遷以四方爭衡闕皆其故臣故全用天子之制以臨之帝后稱崩王公宰相稱薨它國稱名后稱闕或曰某后其君臣死皆稱卒周之諸侯不名稱薨從先王之禮

書列國例

三國南北朝五代與諸國本非君臣從列國之制彼此均敵無所抑揚帝后皆稱殂王公皆稱卒

大明四年魏太后常氏之殂 魏葬昭太后于雞

名者上有君也無君即未即位亦不稱名宋太祖世祖梁世祖是也

書廟號例

葬天子曰尊某帝于某陵廟號某祖下國曰葬某主某于某陵謚曰某皇帝廟號某祖列國曰魏葬明元皇帝于某陵廟號太宗夏武烈帝殂葬嘉平陵廟號世祖凡帝王有廟號者稱廟號秦葬文昭王于武平陵廟號太祖

書國號例

劉石並時劉曜稱趙石勒稱後趙猶春秋邾小邾也曜既亡勒單稱趙符姚並時稱秦亦然乞伏氏稱西秦慕容永以有慕容垂稱西燕慕容德以有龍城稱南燕改業以有呂光稱北凉

梁初晉楚岐蜀吳越稱國淮南嶺南福建荆南未有國

書改元例

龍朔三年十二月詔改來年元

書稱號例

天子近出稱還宮遠出稱還京師列國曰還某都凡新君即位必曰某宗即位後皆言上太上皇帝止稱上皇太上皇太后曰尊皇后太子皇子曰立改封曰徙公侯有

國邑者曰封無曰賜爵

國公郡公縣公欲辨等級則稱之不然則不齊郡趙郡公

皆稱郡

廢帝稱國號或稱廢帝

宋前廢帝子業始終無他爵在位有永光景和兩號故止

稱廢帝

列國他國之君或稱主或稱帝兩國事相涉則但稱主

列國非其臣下之言不稱乘輿車駕行在京師天下及崩

書王公例

高歡曰勃海王歡宇文泰曰安定公泰

大同九年以後乃爾太清三年以後

復故

楚王處疑

書建國稱王例

五代晉岐蜀吳越吳楚閩之類建國皆稱王者皆稱王及

謚無謚者遇中國加爵命則名：如晉闕交錯難辨處

則稱王存勗之類廣南未稱帝及荆南之類皆名

荆南稱楚不書封

諸王書名例

河西王沮渠蒙遜吐谷渾王慕瓚吳越王錢鏐南平王高

季興苻受宋魏五代爵命猶孫權受魏爵命終是敵國皆

宜稱王而不名然其國爵屢變乍見莫知為誰故于事初則名後則不名或名或不名從文闕用漢諸侯王之例也

書立王例

魏立皇弟新成為陽平王

書從王例

從順陽王休範為桂陽王

書列國立太子例

列國曰立皇子某為太子

或曰魏立某王某為皇太子

書列國紀事取年號例

魏宋齊梁陳五代取其年號以紀諸國之事耳

書官名例

周以尉迥為太師以柱國竇熾為太傅

新為公者于官上更加以字太建四以後始爾

晉以後拜令僕皆書中書監令侍中內史納言為宰相者

亦書

宋永初三年闕時大州刺史率加都督其後多者至數十

州不可復詳載矣南北朝諸王無事只云加都督有事則

云某：等幾州闕節度使官自此始其後所領諸使益多

不復詳記云

天監十年闕魏之州郡亦是離以合廢置不復詳記也
闕是後官名繁冗不可勝記或一人之官至百餘官今但
臨事取其要重者存之或省約其文以從簡易云
大寶元年闕是後柱國開府儀同三司及儀同三司猥多
人不復貴遂為散官舊史或但稱開府及儀同者今並因
之

宰相自平章事遷侍中侍中遷中書令之類或加三師三
公則書若自中書遷門下及加太學士使名之類皆不書

至出時書官

此兩例自會昌六年九月後方做此

隋平陳以後尚書令僕內史令納言凡宰相皆稱薨

凡節度使創置則曰置某軍于某州割某州隸之以某人
為節度使或曰置某等州節度以某人為節度使因舊則
曰更名某：州節度號曰某軍或曰更名某軍曰自團練
升則曰更名某：州都團練曰某軍以某人為節度使昭宗
以後
始然

節度使加平章事侍中：令尚書令則書餘檢校官不書
五代雖加使相非因事見亦不書

初云淄青等幾州節度使後云淄青等州節度使

節度使赴鎮曰為使相曰充遙授曰領

凡官名省而可知者不必備書

藩鎮兵或以宣武淮西天平忠武寧河東淮南湖南荆南兩浙呼之或以汴蔡鄆許徐浙呼之取語順易曉而已

書兼職例

會昌六年九月以荆南節度使同平章事李德裕為東都留守不帶平章事鄭肅同平章事充荆南節度使

以吏部尚書崔胤同平章事充清海節度使加威武節度

使王審知同平章事以西川節度使同平章事王建兼侍

中

以保義留後朱友謙為節度使

以荆南留後高季昌

為節度使

書罷免例

公相以善去曰罷罪去曰免

書聘使例

聘使往來書介副無事但云某事

契丹遣其臣袍笏梅老來通好帝遣太府少卿高欣報之

高麗遣其臣某入貢遣某人使于契丹

不書書附

二王後嗣卒者不書

列國葬后無事不書

諸王帶平章及遙領節制不書親王徙封書

親祭祀皆書

凡帝親祠更無親字

宋孝武後乃爾

諸王非皇子及兄弟薨卒皆不書有事乃書之
王子弟則書姪及孫無事不書

宋以後諸州廢置無事不書 諸州廢置無事者不書
四夷不能為中國利害死及嗣位不書

凡衆人共一事則書其等在在下者更有事則列其姓名

重書例

桓五年襄二十六年皆有兩秋 桓五年以大雩有二秋
桓十二年經重書丙戌

豫言例

莊公六年豫言十六年滅鄆 文十一年豫言宣十五

年獲焚如

齊襄公之二年

追序例

左傳襄公六年齊人滅萊追序五年以來月日

書日後先例

成十六年鄆陵戰先甲午後癸巳

左傳楚靈王死先言癸亥後言乙卯丙辰

書事同日例

兩國事同日或相先後而不可中斷者先序一國事已更
以其日起之

如齊建武元年十月辛亥魏王發平城云云辛亥

太后下令廢帝為海陵王

二年十一月己卯納太子妃褚氏庚午魏王如委

粟山己卯引諸儒議圓丘禮

書事相涉例

凡兩國事相涉則多稱某主兩君事相涉則多稱謚號不相涉而事首已見則稱上稱帝凡一國事有相連不嫌為

異國事者若國名相關事雖異皆蒙上事國名大同十年乃爾

書斬獲例

戰偽走設伏而敗之斬首千餘級千級以下不言獲輜重

兵械雜畜非極多不言蒙遜欲代梁公歆之

新唐書郭子儀傳從廣平王帥蕃漢兵十五萬收長安

書世系例

凡宗族雖在高祖玄孫之外世系著明如元天穆崔陵者亦書之

從後姓例

宋永初三年長孫嵩實姓拓拔云云時魏之羣臣出于代

北者姓皆重複及高祖遷洛乃改為單姓舊史患其煩雜

悉從後姓以就簡易今並因之

李繼昭本姓符名道昭復姓符名道昭

書字例

僖十五年震夷伯之廟大夫既卒書字

大同二闕時人多以字行舊史皆因之

字及小字可知其人者不復重述難知者乃述之

此以字行者始即稱字曰名其以字行大同以後始爾

書鄉里例

硤石姚元崇

閩玄正汴州人也必名不著不鄉里

書改置州郡例

建東京于汴州以州汴為開封府

置彰德軍于相州以澶衛隸之置永清軍于貝州以博冀

隸之

書薨卒例

唐制三品以上稱薨四品以下稱卒而上州刺史親王傅

歸德將軍護軍皆三品職任至輕門下中書侍郎尚書左

右丞侍郎庶子詹事皆四品平章事節度使職任至重皆

無品禮諸侯曰薨而唐之縣令皆古之子男也此則一一

難依禮今令任裁酌折衷見任宰相節度使及正任太子

三師三少尚書統軍都督常侍者皆稱薨公主妃嬪亦循

舊史稱薨餘皆稱卒

都督節度使之任節度檢校官弔待其卑者也

元嘉五年秦王熾盤卒

書反亂例

宋略例凡誅得讐音慈曰有罪凡逆上曰反爭疆曰亂凡刺史近州輕將則書以重州也遠州亦書以將重也

曾太父溫國文正公作書之例或因或做皆有所據故自春秋以來用例之精確深隱皆考究為最詳而得其當于此槩見然前例遺藁中遭散亂所藏僅存脫落已甚故先後無叙或改注重複觀者病焉反輒掇取而分類之為三十六例其間或書年而不書字如曰齊襄公之二年或書事而不著

年如曰節度使官自此始或書謚書年而不實其數如曰桓年以大雩有兩秋之類反皆不敢增益也至若或文雖全而其字闕滅者反亦從而闕之或事欲詳見而旁附其文者反則因其文而述之

雖然苟能因此類而參酌貫穿焉亦庶幾矣反抑嘗因此例而涉其書故其離析稽其授受推其甲子括其卷帙列為四圖以便尋究求者授之以廣其傳庶與考異音釋並行于世萬一有助于觀覽云乾道丙戌仲秋癸酉曾孫右朝散郎尚書吏部員外郎賜緋魚袋反謹書

大正

朝野同慶

大正

